

Publicaziuns officialas dils 23 da matg 2025

Vischnaunca Trun

Damonda da baghegiar

Datum da publicaziun: 23-05-2025

Petent: STWEG Casa Tuor, Philipp Tuor, Gassa 19, 7166 Trun
Representanza: Sossai SA, Via Campliun 6, 7166 Trun
Object: Montascha d'ina pumpa termica d'aria sin parcella 1562 a Trun
Zona: Zona da habitar e da mistregn (M3)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Datum da publicaziun: 23-05-2025

Petents: Mathias e Giuseppina Bundi-Caminada, Via Vricla 6, 7167 Zignau
Object: Montascha d'ina pumpa termica d'aria sin parcella 1111 a Zignau
Zona: Zona dil vitg (V)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Sanaziun dalla via Fabrica

Preziadas convischinas e preziai convischins

La vischnaunca lai sanar la cuvrida dalla via Fabrica naven dils parcadis dalla banca Raiffeisen entochen sur la casa nova dils fargliuns Cagienard. Las lavurs entscheivan ils 2 da zercladur e cuozzan prevedentamein tochen ils 11 da fenadur 2025. Il traffic vegn sviaus sur la via Sogn Martin.

Bien engraziament per la capientscha.

Suprastonza communal Trun

Serrada via Munt muort tagl da lenna

Naven da gliendisdis, ils 19 da matg 2025 entscheivan las lavurs da derscher el territori dils Cuolms da Munt Dadens. La lenna vegn raccoltada cun la suga ord igl uaul. Damai ch'il plaz ei limitaus sto la via naven dils cuolms da Munt Dadens vegnir serrada per tut il traffic entochen mesjamna, ils 28 da matg 2025. Ei dat negina pusseivladad d'untgir.

A Planatsch vegn medemamein raccoltau lenna cun la suga. Leu eis ei da quintar cun temps da spetga durant il temps da lavur. Las seras e la fin d'jamna duess la via denton esser libra. En cass da damondas dat il selvicultur sclariment (081 920 20 46).

Uffeci forestal Trun

Serrada dall'administraziun communal sur Anceinza

L'administraziun communal resta serrada ils suandonts dis:

Gievgia, ils 29 da matg 2025

Venderdis, ils 30 da matg 2025

Bien engraziament per la capientscha.

Administraziun communal Trun

Gliendisdis, ils 2 da zercladur 2025 saveis Vus schar schubergiar e rugalar Vies apparat d'udida:

09:15 - 10:30 uras en Casa sogn Martin a Trun

11:00 - 11:45 uras en Casa sogn Giusep a Cumpadials

13:15 - 14:30 uras el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents. Ei drova negina annunzia.

Club da tennis Trun

Partidas d'Interclub a Trun

Dumengia, ils 25 da matg 2025

damas 30+ NLC, Trun - Giubiasco allas 9:00

umens 3. ligia, Trun - Sedrun allas 13:30

Club da tennis Trun

Corporaziun d'aua Campliun

Radunonza generala, venderdis, ils 13 da zercladur allas 20.00 el Refugi.

1. Beinvegni ed appel
2. Elecziun d'in dumbravuschs ed approvaziun dalla gliesta da tractandas
3. Approvaziun dil protocol dalla davosa radunonza generala
4. Rapport annual dil president
5. Rendaquen 2024/25
 - cassiera
 - revisurs
6. Elecziuns
 - cassier
 - cau fontauna
 - survigilader da hidrants, alternativa
 - revisur da quen
7. Fixaziun dallas taxas annualas
8. Varia

La corporaziun offerescha mes'ura avon la radunonza in apéro e suenter la radunonza ina tscheina als commembers. Salids amicabels

La suprastonza

Uniun Trun Cultura

Invit alla radunonza annuala da commembers sonda, ils 24 da matg 2025 allas 14.30 uras el Spazi d'art Matias Spescha.

Uniun Trun Cultura

Museum Cuort Ligia Grischa

Sonda, ils 24 da matg allas 16.00

Vernissascha dall'exposiziun «Las quater ovras bibliofilas da Hendri e Matias Spescha»,
Introducziun els maletgs da Matias cun Alexa Giger, intermediatura d'art. Presentaziun dall'ovra
da Hendri cun Renzo Caduff, romanist. Presentaziun dil film «alla notg» cun Gieri Venzin,
historicher. Enconuschents da Hendri e Matias Spescha raquentan dils dus frars.
L'exposiziun cuozza tochen ils 31 d'october.

Dumengia, ils 1 da zercladur allas 14:15

Suentermiezdi per affons

Nus purschin daniev activitads interessantas per affons! Quei fa la viseta dil museum tier in ver
eveniment. Affons sut 6 onns cun accompignament dils geniturs, ils pli gronds astgan vegnir
persuls.

cordialmein envida

il team dil museum

Visetas guidadas publicas a Glion

Öffentliche Führungen unter «Surselva»

Societad da tir vial Sumvitg

Tir obligatoric

Mira sut Sumvitg